

新立之法不報該曹而直啓敢待罪傳曰奉常寺奴婢勿他役事予非

不知也然如他司匠人則可推而此則闕內侍女非他司他役之例故

昨日傳教耳其勿待罪祖宗朝以奉常寺成均館奴婢勿許他役者

有間矣而然祖宗百年之義意壞於此矣名大臣以推還論啓反見責其於宋仁宗因王素之言而出王德用所進女口爲如何耶惜哉

○諫院啓曰金世準擬於承旨望落點云政院喉舌之地必須擇差此

人非端士不合侍從請及今政通之傳曰可○以金克愷為承政院左

承旨俞汝霖為右承旨徐厚為左副承旨金瑛為右副承旨柳溥為同

副承旨金鉅為弘文館應教○日重暈兩珥有冠有履日上白暈貫日

夜異方如火氣○黃海道海州延安義津未時紅白虹或貫日或圍日

或相對至申時始微滅○丙寅布營使安潤德啓曰奉先寺密近奉先

殿齋室行幸時僧徒不宜仍在欲姑屏黜則住持僧言寺多寶物不可

無守者云請只許守僧數人留住餘皆黜送傳曰殿與寺隔遠何必黜

送乎其令屏在西邊常住處○弘文館副提學蔡紹權等來啓曰昨日

觀象監所啓日變圖形至為可懼拜陵今已定之請停未安而然遇此

火變而經宿於外誠為未安況日者人君之象而白氣犯之其變大矣

拜陵請斟酌停之何如都承旨金希壽等僉議啓曰凡有災變則當諭